

Language competency (te au kite no runga i te reo) te ka 'inangaro'ia no te pu'āpi'i :Te au karere pu'apinga rava atu

Te vai nei te language competency, te ka 'inangaro'ia no te 'akamata i te 'āpi'ipi'i'anga ki roto i teta'i porokarāmu, Initial Teacher Education (ITE) e te rētita'ia'anga ei pu'āpi'i i roto i Aotearoa.

E 'ākara ana te language competency te ka 'inangaro'ia, i to'ou karape i roto i te reo Māori, e te reo Papa'ā. Ka anoano'ia koe kia 'akaāri i te karape i roto i teta'i, me kore ra, i teta'i atu o teia nga reo.

Ka rauka iākoe i te 'akaāri i to'ou karape i roto i teia nga reo, na roto i te au rāvenga tūkētūkē. Ka rauka iākoe i te 'ōronga mai i te au 'akairo, i te 'akaāri i to'ou au karape.

Me e NCEA university entrance ta'au, me kore ra, e New Zealand tertiary entrance, no mua ake i te NCEA, ka tārē'ia teia ei 'akairo no te rētita'anga ki roto i te ITE. Kare koe e anoano'ia, kia rave i teta'i vāito'anga no te Reo Papa'ā, me kua pāti takere koe i teta'i o teia nga pēpa.	Me i aere ana koe ki te 'āpi'i tuata'i, e kua taeria ki te 3 mata'iti i te 'āpi'i tuarua, i roto i Aotearoa, Niue, Tokelau, me kore ra, i te Kūki 'Āirani, ka tārē'ia teia ei 'akairo, ka rauka iākoe i te tā'anga'anga i teia, no te rētita'anga ki roto i te ITE. Kare koe e anoano'ia, kia rave i teta'i vāito'anga no te Reo Papa'ā, me i 'āpi'i'ia ana koe na roto i teia au mata'iti, i roto i Aoterarora, Niue, Tokelau, me kore ra, i te Kūki 'Āirani. Me i aere ana koe ki te 'āpi'i tuata'i, e te 'āpi'i tuarua, i va'o ake i Aotearoa, Niue, Tokelau, me kore ra, i te Kūki 'Āirani, ka anoano'ia koe kia vāito'ia no te Reo Papa'ā, no te rētita'anga ki roto i te ITE.	Me kua terēni'ia koe ei pu'āpi'i i va'o ake i Aotearoa, e te 'inangaro ra koe i te rētita ei pu'āpi'i i roto i Aotearoa, ka anoano'ia koe kia vāito'ia no te Reo Papa'ā, kia kite'ia to'ou au karape. Ka 'ākara katoa ia to'ou pēpa, i te vāito me ka mana i roto i Aotearoa.
---	---	--

Te vai nei i teia 'ati'anga, te au tū vāito'anga Reo Papa'ā, te ka rauka iakoe i te tā'anga'anga.

E tau'anga teia, mei ta'au i rongo takere ana i mua atu, e ta'i ua rāi tū vāito'anga ka rauka iākoe i te tā'anga'anga.

Te vai nei pa'a teta'i 'iki'anga no'ou, me te 'akamata nei koe i te ITE, e kare ā'au 'akairo tau. Ka rauka i to'ou turanga ITE, i te pati atu ki te **Teaching Council**, kia tāmamanako iākoe no teta'i 'akapae'anga. Na ta'au turanga ITE, e pati atu no'ou. Komakoma atu ki teta'i, i ko i to'ou turanga ITE, no te kimi i teta'i atu no runga i teia.

Tei runga teta'i atu 'akakitekite'anga i te kupenga uira a te **Teaching Council**, me kore ra, tei roto i teia mānga puka, te au 'ātui'anga ka anoano koe- [Teach in Aotearoa New Zealand](#)